

آبونه شرائطی : هریر ایچول
سنه لکی (۴۰۰) آلتی آیلنی
(۲۲۵) ممالک اجنبیه ایچون
سنه لکی (۴۵۰) ، آلتی آیانی
(۲۵۰) غروشدور.

نسخه سی ۷,۵ غروشدور .
سنه لکی ۵۰ عدددر .

اداره خانه : باب عالی جاده سنده
رشید افندی خاتمه

اخطارات

آبونه بدلی پشیندر .

مسلكه موافق آثار مع الممنونیه
قبول اولتور . درج ایدله یین
یازیلر اعاده اولماز .

تذکره

آدره من تبدیلنده ایریجه
غروش کوندربلیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرسلیرنک
فرانسجه یازلسنی رجا اولتور.

پاره کوندردلیکی زمان نهیه
داثر اولدیفنی بیلدیرلسی
رجا اولتور

اتبعون اهدکم سیل الرشاد

صاحب و مدیر
اشرف ادیب

باش محرر
محمد ماکف

والله یهدی من یشاء الی صراط مستقیم

* پنجشنبه *

۱۰ کانون ثانی ۱۳۴۰

۳ جادی الاخری ۱۳۴۲

عدد ۵۸۳

جلد ۲۳

روسیه ده کتب دینیہ نیک ممنوعیتی

(لهستان) ک مقراداره سی اولان (وارشووا) دن ژورنال غزته سنه چکین برنلغرافامه مآله نظراً، روسیه ده امورسیاسیه اداره مرکزیہ سرکارنده بولونان مشهور (لنین) ک زوجہ سی مادام (قرویس قایا) کتبخانہ لک تفتیشنه طأد اوله رق برتعمیم نشر ایتیش ووند. عمومی کتبخانہ لردہ سوویت حکومتک تعقیب ایتیمکده اولدینی اساسی عمده لره موافق اولمایان آثارک بولوندرولماسنی امرایتمکله برابر برده کتب ممنوعہ نیک اسامیسی مین برجدول لفایله مش. بوجدولک اک باشنده موجود و متداول انجیللره برابر قرآن کریم، موسویلرک احکام و نقول دینیہ سی حاوی اولان (تلود) مجرر اولدینی کبی فلاسفہ قدیمه و متأخرین حکمادان (افلاطون)، (دماقارت)، (شوپنهاور)، (اسپنسر)، (نیچه) کبی عاطفک آثاری، حق ذوات مذکورہ نیک تکاملات فکریہ سندن باحث تراجم احوال کتابلری، مشهور (قارلیل)، (صولوویف)، (قروپاتکین)، (اوتنومیرو) و مشهور روس حکیمی (طولستوی) ک مخلصاتی ده بولونمقدمه و آثار مذکورہ نیک درحال محو واقعا ایدیلرلری ده نتیجه اوله رق بیلدیرمکده ایتیش.

یوقره مناسبتله احد راسم بک (کتب ممنوعه) حقنده وقت غزته سنده خیلی تفصیلات ویردکدن صوکره دیورکه:

و رسالت نبوی اوائلده (مکه) ده قرآن کریمی جهراً او قومق تهلکلی ایدی. فقط اصحاب، حفظ ایدرلردی. جناب (فاروق) ی ایمانه کتیرن ده کیزی او قومق نتیجه سی دکلی ایدی؟

افکار بشریہ نیک نشر و تعمیمنده یازمه، باصمه اصوللرندن، غزته لردن، تلغرافلردن، تلفونلردن، تلسزلردن بک چوق اول (تله بانی) دیلین طیبی ناقابل منع بر مجاذبه حسیه و فکریه انتقالاتی موجود ایدی. هر بک بر مصراع، بیت، بر فکر ایچون (نوارد) دیدیکی احتیساسات عینیہ رد و انکار ایتیمک ناصیل ممکن ولور؟ انسانلرده عینی تأثیرلر، عینی تأثیرلر کثراً عینی تحسسلری ایفاظایدیر. ذمی، حسی برلکلر، اربابی اسکی ضروربدن اولدینی اوزره (بغداد) ده اولسه کلیر، بولور.

ذات مسئلهیه (منع) اصلاً تأثیر یتیز. تربیه اصولک توسیعی، امرجه و طبایعه حسن تطبیقی تأثیر ایدر. هر هانکی پرنسیپ ایچون اولورسه اولسون آنی منتظم بر تربیه اصولیه روحلره، ذهنلره القا ایتیمک قادار، او پرنسیپه طأد مخالفتی کوکندن قویاروب آتہ حق بر مؤثر یوقدر.

علوم و فنون، صنایع تاریخلری مطالعه ایدیلسین، آنلرده حکم ایدن مؤثراتک شدت رواج و تعمیمنه طرز استبداد، یعنی (منع) ک خیلی مدخلی اولدینی کورولور. هر نه دورلو مقصد، مسلك، پرنسیپ

اولورسه اولسون، آنجق طرز اقناع ایله بر صورت مصلحانه ده ترویج و تعمیم ایدیلر. (اطماع) اکثریتله عدم موفقیته، حق عکس العمله منجر اولور.

انگلتره اسلامک اک بویوک دشمنیدر

(دهلی تلغراف) غزته سنه (له آباد) دن ویریان معلومانه کوره هند خلافت جمعی سنوی قونفره سی عقد ایتیشدر. خلافت قونفره سی مولانا (شوکت علی) نیک ریاستی آلتنده طویلاشمش، مومی ایله اراد ایتدیکی نطق اقتساجیده انگلیز ملنک، اسلامک اک بویوک دشمنی اولدینی بیان ایتدکدن صوکره دیمشدرکه:

«— بو کون حکومتک وایمپراطورلنک آچیقندن آچیفه دشمنیم. حکومتک آدملری کری آلماسنی اخطار ایدرکن اوکا آچی بر زهر ویرمه یوز. انگلیز ایمپراطورلغی و موجودیت ملیه سی قورتارہ حق نصیحتلر ده میان ایدیوروز.»

بعده شوکت علی افغانستانه (داس) کبی، محمد علی کبی وسائرہ کبی صلحچورر رؤسانک کوندرلسی لازم کلدیکی، بونلر دواملی بر صلح عقد ایدیلر جکلری، فقط انگلیزلر مجاور هر هانکی بر مملکتہ اعلان حرب ایدر جک اولورلر ایسه بو حربی انگلیز عسکرلرینه و انگلیز خزینہ سنک حسابنه اجرایه مجبور اولدقلری بیان ایتیشدر. هندستانده انگلیزلر طرفدن نشر ایدلمکده اولان غزته لر بو نطقلردن بک زیاده توحش ایتیمکده و هند رؤسای ملیه سنه تجاوز ایله مکده در. بونلردن (پوانیر) غزته سی دیورکه:

«هند استقلال طرفدارلری انگلتره ایمپراطورلغی بر قورصان دولت اولارق قتیح ایدیورلر و اونک هندستانی یغما ایدرک فقر و ضرورته دوچار ایتدیکی سوبله یورلر. حال بوکه هندستانلیردن بری هندستانده انگلیزلر اولماسه، اونک خارجی تجاوزلره اوضرایاجفی و داخلی اختلافلر ایچنده خراب اولاجفی (ا) سوبله مشدی. استقلال طرفدارلری انگلیز اداره سی تلین ایدیورلر، حال بوکه دیگر طرفدن ده انگلیزلرک هندستانی ترک ایتیمسی احتمالن تیرہ یورلر.»

(پوانیر) غزته سی مولانا (محمد علی) نیک ایرا ایتدیکی نطقده هندستان حکومتی بر سنه ظرفنده (غاندی) یی تخلیه ایتیز و استقلال داخلی براتی اعلان ایله مزسه جمهوریت بایراغی یوکسلته جکلری بیان ایتیمسنه و (شوکت علی) نیک افغانستان ایله بر حرب وقوفی تقدیرنده هند عسکرلرینک حرب ایتیمیه جکلری سوبله مسنه مقابل، بوکی بیاناتک خیانت وطنیه تشکیل ایتدیکی یازمقدمه در.

سیدالرشادک هر قارئ لاقلا یکی کیشی ده اباونه قیدایدیسه مجموعه منک نثری خصوصنده بک بویوک لطفده بولونمس اولورلر.

شہزادہ ہاشمی : اوقاف اسلامیہ مطبعہ سی